



REPUBLIKA E SHQIPËRISË
KUVENDI

LIGJ

Nr. 21/2024

PËR DISA SHTESA DHE NDRYSHIME NË LIGJIN NR. 81/2017
“PËR ZONAT E MBROJTURA”

Në mbështetje të neneve 78, 81 dhe 83, pika 1, të Kushtetutës, me propozimin e një grupi deputetësh,

K U V E N D I

I REPUBLIKËS SË SHQIPËRISË

V E N D O S I:

Në ligjin nr. 81/2017 “Për zonat e mbrojtura” bëhen këto shtesa dhe ndryshime:

Neni 1

Në nenin 3 bëhen këto shtesa dhe ndryshime:

1. Pas pikës 6 shtohet pika 6/1 me këtë përmbajtje:

“6/1. “Elemente tekniko-formale të shpalljes së zonës së mbrojtur” janë emërtimi i zonës së mbrojtur, institucioni menaxhues, zonimi dhe nënzonimi, si dhe tipologjia e veprimtarive të lejuara dhe të ndaluara për zonën e mbrojtur ose secilën nënzonë të saj kur aplikohet.”

2. Pas pikës 25 shtohet pika 25/1 me këtë përmbajtje:

“25/1. Turizëm i ekselencës” në kuptim të këtij ligji është lloji i turizmit, i cili ofron akomodim në struktura me standardet më të larta arkitektonike e mjedisore, si dhe shërbime turistike ekskluzive të nivelit më të lartë.”

3. Në pikën 36 pas fjalës “tradicionale” shtohen fjalët “ekonomike dhe turistike, duke përputhur objektivin e mbrojtjes, efektivitetit dhe përshtatshmërisë, me veçoritë që paraqet zona e mbrojtur ose nënzona”.

4. Pas pikës 37 shtohen pikat 38 dhe 39 me këtë përmbajtje:

“38. “Zonë natyrore e pashqetësuar” është zona në të cilën garantohen elementet thelbësore të biodiversitetit, ekosistemeve, specieve dhe karakteristikat e gjeodiversitetit të zonës, në një gjendje natyrore ku veprimtaria njerëzore është në harmoni me elementet e natyrës, në mënyrë që zona të vijojë të ruajë karakteristikat e saj.

39. “Zonë natyrore pak e shqetësuar” është zona në të cilën garantohen elementet thelbësore të biodiversitetit, ekosistemeve, ku veprimtaria njerëzore projektohet dhe zhvillohet me elemente dhe/ose struktura të tilla që krijojnë harmoni me elementet e natyrës, në mënyrë që zona të vijojë të shfaqë karakteristikat e saj dhe të sigurojë një zhvillim të qëndrueshëm.”.

Neni 2

Në nenin 4 pas shkronjës “ç” shtohen shkronjat “d”, “dh” dhe “e” me këtë përmbajtje:

“d) “Parimi i përshtatshmërisë”. Kategoria e një zone të mbrojtur duhet të ndryshohet nëse nga vlerësimi i saj në një kohë të dhënë rezulton se karakteristikat dhe objektivat për të cilat zona e mbrojtur është shpallur nuk përputhen me ato të kategorisë së caktuar.

dh) “Parimi i kategorizimit sipas objektivave”. Përcaktimi i kategorisë së zonës së mbrojtur sipas këtij ligji duhet të kryhet në përputhje me objektivat kryesorë të shpalljes të secilës kategori të zonave të mbrojtura.

e) “Parimi i fleksibilitetit të menaxhimit”. Zonat e mbrojtura menaxhohen sipas çdo forme menaxhimi/administrimi, në përputhje me parashikimet e këtij ligji.”.

Neni 3

Në nenin 9 bëhen ndryshimet e mëposhtme:

1. Në shkronjën “c” fjala “moslejimit” zëvendësohet me fjalën “kufizimit”.

2. Shkronja “ç” ndryshohet si më poshtë:

“ç) të ruajë hapësirën e shpallur zonë e mbrojtur dhe përbërësit natyrorë të saj, me qëllimin për të siguruar vazhdimësinë dhe jetëgjatësinë e elementeve të biodiversitetit, duke përdorur strategji menaxhimi të përshtatshme dhe menaxhim efektiv në kohë.”.

3. Shkronja “d” ndryshohet si më poshtë:

“d) të vlerësojë në përputhje me parimet e objektivave të shpalljes së zonës së mbrojtur mundësinë për veprimtari ekonomike turistike dhe infrastrukturë mbështetëse për to brenda zonës dhe nevojat e komunitetit”.

Neni 4

Në nenin 10 bëhen ndryshimet e mëposhtme:

1. Pika 1 shfuqizohet.

2. Në pikën 3 pas togfjalëshit “së nënzonave të zonës së mbrojtur” shtohen fjalët “si dhe tipologjia e veprimtarive të lejuara dhe të ndaluara për zonën ose secilën nënzonë të zonës që do të shpallet, si dhe përdorimi i të ardhurave që krijohen”.

3. Në pikën 6 bëhen këto ndryshime:

a) shkronja “ç” ndryshohet si më poshtë:

“ç) një raport i efekteve në mjedis duke përfshirë proceset dhe veprimtaritë e lejuara”.

b) shkronjat “d” dhe “dh” shfuqizohen.

Neni 5

Në nenin 12 pika 2 shfuqizohet.

Neni 6

Neni 13 shfuqizohet.

Neni 7

Në nenin 16 bëhen shtesat dhe ndryshimet si më poshtë:

1. Në pikën 2 bëhen këto ndryshime:

a) Pjesa hyrëse ndryshohet si më poshtë:

“Në “Parkun kombëtar”, me përjashtim të infrastrukturës dhe veprimtarive të mikpritjes, me standardet më të larta arkitektonike dhe mjedisore për mbështetjen e turizmit të ekselencës (me 5 yje) dhe infrastrukturës mbështetëse për to, sipas parashikimeve të nenit 33 të këtij ligji, zbatohet shkalla e mbrojtjes mjedisore të zonës që ka si objektiv të mbajë territorin në gjendje natyrore, ku të ruhen komunitetet biotike, të resurseve gjenetike dhe llojeve për të siguruar stabilitetin ekologjik dhe diversitetin dhe ku:”

b) Shkronja “a” ndryshohet si më poshtë:

“a) nuk lejohet shfrytëzimi ose zënia e tokës për asnjë arsye tjetër”.

c) Shkronja “d” shfuqizohet.

2. Në pikën 3 bëhen këto ndryshime:

a) Pjesa hyrëse ndryshohet si më poshtë:

“Në këtë zonë mund të ushtrohen veprimtari të lejuara të përcaktuara në VKM-në e shpalljes së zonës së mbrojtur, si dhe ato të parashikuara në nenin 33 të këtij ligji, që sigurojnë krijimin e mundësive shpirtërore, shkencore, edukative, çlodhëse të vizitorëve, në përputhje me kërkesat mjedisore, kulturore, por vetëm pasi të pajisen me miratimin e institucioneve shtetërore, që synojnë:”.

b) Pas shkronjës “c” shtohet shkronja “ç” me këtë përmbajtje:

“ç) dhënien e kontributit në ekonominë vendase nëpërmjet veprimtarive të turizmit/agroturizmit.”.

3. Në pikën 4 pas togfjalëshit “ruajtjes së zonës” shtohen fjalët “nëse nuk përcaktohen si veprimtari të lejuara apo në mbështetje të këtyre veprimtarive”.

4. Pika 5 ndryshohet si më poshtë:

“5. Kur administrata e ruajtjes së parkut vëren se nga veprimtaritë e përcaktuara në pikën 4 të këtij neni cenohet qëllimi për të cilin zona është shpallur “Park kombëtar”, mund të kufizojë ose të ndalojë përkohësisht këto veprimtari dhe të kërkojë nga AKZM-ja miratimin përfundimtar të kufizimit ose ndalimit të këtyre veprimtarive.”.

5. Pika 7 ndryshohet si më poshtë:

“7. Këshilli Kombëtar i Territorit, në shqyrtimin e kërkesave specifike për leje zhvillimi/ndërtimi, me rregullore të posaçme miraton rregullat dhe kriteret teknike të zhvillimit të infrastrukturës kryesore dhe asaj mbështetëse të veprimtarive të lejuara.”.

Neni 8

Në nenin 17 bëhen ndryshimet si më poshtë:

1. Në pikën 2 fjalia e parë shfuqizohet.

2. Pika 3 shfuqizohet.

Neni 9

Në nenin 19 bëhen këto shtesa dhe ndryshime:

1. Në pikën 1 pas fjalës “edukative ” shtohen fjalët “turistike dhe agroturistike”.

2. Në pikën 3 pas togfjalëshit “në parkun natyror” shtohen fjalët “me përjashtim të veprimtarive dhe infrastrukturës turistike dhe infrastrukturës mbështetëse për to, sipas parashikimeve të nenit 33 të këtij ligji”.

3. Në pikën 4 pas togfjalëshit “administratës së zonës së mbrojtur” shtohen fjalët “nëse janë të ndryshme nga veprimtaritë e lejuara të përcaktuara në VKM-në e shpalljes së zonës së mbrojtur apo ato të përcaktuara në nenin 33 të këtij ligji”.

4. Pika 6 ndryshohet si më poshtë:

“6. Këshilli Kombëtar i Territorit, në shqyrtimin e kërkesave specifike për leje zhvillimi/ndërtimi, me rregullore të posaçme miraton rregullat dhe kriteret teknike të infrastrukturës kryesore dhe asaj mbështetëse të veprimtarive të lejuara.”.

Neni 10

Në nenin 20 bëhen shtesat dhe ndryshimet si më poshtë:

1. Në pikën 1 pas fjalisë së parë shtohet fjalia me këtë përmbajtje:

“Kategoria e peizazhit të mbrojtur krijon mundësi për zhvillime bashkëkohore si veprimtari turistike/agroturistike apo veprimtari të tjera ekonomike të qëndrueshme, miqësore me biodiversitetin.”.

2. Në pikën 2 pas fjalëve “çlodhje dhe argëtim” shtohen fjalët “turizëm/agroturizëm”.

3. Në pikën 3 bëhen këto ndryshime:

a) pas togfjalëshit “peizazh të mbrojtur” shtohen fjalët “në përputhje me rregulloren e posaçme të Këshillit Kombëtar të Territorit”.

b) pas togfjalëshit “zbatohet shkalla” shtohet fjala “e tretë”.

c) në shkronjën “c” togfjalëshi “eliminimin, kur është e domosdoshme, dhe parandalimin” zëvendësohet me fjalën “kufizimin”.

ç) pas shkronjës “dh” shtohet shkronja “e” me këtë përmbajtje:

“e) lejinin e ndërhyrjeve të lejuara urbane, rekreacioni apo ekonomike brenda zonës, duke ruajtur karakterin e zonës sipas parashikimeve të këtij ligji dhe VKM-së së shpalljes së zonës së mbrojtur.”.

4. Pika 6 ndryshohet si më poshtë:

“6. Në VKM-në e shpalljes së zonës së mbrojtur caktohen veprimtaritë e lejuara dhe të ndaluara.”

5. Pas pikës 6 shtohet pika 7 me këtë përmbajtje:

“7. Këshilli Kombëtar i Territorit në shqyrtimin e kërkesave specifike për leje zhvillimi/ndërtimi, me rregullore të posaçme miraton rregullat dhe kriteret teknike të infrastrukturës kryesore dhe asaj mbështetëse të veprimtarive të lejuara.”.

Neni 11

Në nenin 22 bëhen ndryshimet si më poshtë:

1. Në pikën 2 pas togfjalëshit “objektivat e mbrojtjes” shtohen fjalët “që përcaktohen në VKM-në e shpalljes së zonës së mbrojtur”.

2. Pas pikës 2 shtohet pika 2/1 me këtë përmbajtje:

“2/1. Në “zonën e mbrojtur detare” ushtrohen veprimtari sipas përcaktimeve të këtij neni, nenit 33, nenit 34, si dhe VKM-së për shpalljen e zonës së mbrojtur.”.

3. Në pikën 3 bëhen këto ndryshime:

a) pas togfjalëshit “në këto zona” shtohen fjalët “me përjashtim të veprimtarive dhe infrastrukturës turistike dhe infrastrukturës mbështetëse për to, sipas parashikimeve në VKM-në e shpalljes së zonës dhe/ose nenin 33 të këtij ligji”.

b) shkronja “ë” ndryshohet si më poshtë:

“ë) tjetërsojnë territorin e habitateve apo të peizazhit me aktivitete minerare apo të shfrytëzimit të gazit e të naftës;”

4. Pika 4 ndryshohet si më poshtë:

“4. Këshilli Kombëtar i Territorit në shqyrtimin e kërkesave specifike për leje zhvillimi/ndërtimi, me rregullore të posaçme miraton rregullat dhe kriteret teknike të infrastrukturës kryesore dhe asaj mbështetëse të veprimtarive të lejuara.”.

Neni 12

Në nenin 23 pika 4 ndryshohet si më poshtë:

“4. Këshilli Kombëtar i Territorit në shqyrtimin e kërkesave specifike për leje zhvillimi/ndërtimi, me rregullore të posaçme miraton rregullat dhe kriteret teknike të infrastrukturës kryesore dhe asaj mbështetëse të veprimtarive të lejuara.”.

Neni 13

Në nenin 24 bëhen këto ndryshime:

1. Në pikën 4 fjalët “me urdhër të ministrit dhe u dërgohen për zbatim bashkive menjëherë sapo të miratohet zona e parkut” zëvendësohen me togfjalëshin “urdhër të kryetarit të bashkisë”.

2. Në pikën 5 togfjalëshi “ministri përgjegjës për zonat e mbrojtura” zëvendësohet me togfjalëshin “kryetari i bashkisë”.

Neni 14

Neni 33 ndryshohet si më poshtë:

“Neni 33

Veprimtaritë e lejuara në zonat e mbrojtura

Veprimtaritë që lejohen të ushtrohen në zonat e mbrojtura mjedisore janë:

1. Veprimtaritë e përcaktuara në VKM-në e shpalljes së zonës së mbrojtur dhe të zbatuara sipas kriterëve të miratuara me rregullore të posaçme të Këshillit Kombëtar të Territorit.

2. Veprimtaritë e zhvilluara në struktura akomoduese të ekselencës, 5 vje ose më shumë, në fushën e turizmit dhe çdo veprimtari/infrastrukturë tjetër mbështetëse ose në funksion të tyre pavarësisht nëse kjo përcaktohet në VKM-në e shpalljes së zonës së mbrojtur.

3. Veprimtaritë e zhvilluara në struktura akomoduese të agroturizmit dhe çdo veprimtari/infrastrukturë tjetër mbështetëse ose në funksion të tyre, pavarësisht nëse kjo përcaktohet në vendimin e shpalljes së zonës së mbrojtur.

4. Veprimtaritë me qëllim të monitorimit të gjendjes mjedisore, të ekosistemit, të habitateve dhe të llojeve floristike e faunistike.

5. Çdo veprimtari që lidhet me ndërhyrjet e nevojshme ose urgjente për përmirësimin e biodiversitetit, rigjenerimit ose shëndetësisht, ose çdo veprimtari tjetër për këtë qëllim.

6. Veprimtaritë ushtarake, të cilat mund të ushtrohen pasi të jenë pajisur me leje mjedisore.”.

Neni 15

Në nenin 36 bëhen shtesat dhe ndryshimet e mëposhtme:

1. Pika 2 ndryshohet si më poshtë:

“2. Propozimi për ndryshimin e sipërfaqes së zonës bëhet nga AKZM-ja, ministritë e linjës, njësitë e vetëqeverisjes vendore, nga organe shtetërore kolegjiale që miratojnë projekte dhe veprimtari në territorin e Republikës së Shqipërisë, nga institucionet kërkimore-shkencore, shoqëria civile dhe nga pronarët privatë, kur në zonën e mbrojtur janë përfshirë edhe pronat e tyre, si dhe nga subjektet që kryejnë veprimtari në zonë, të pajisur me leje mjedisi. Propozimi konsultohet paraprakisht me komunitetin vendas, me pronarët, pronat e të cilëve, sipas rastit, përfshihen ose hiqen nga sipërfaqja e zonës, me subjektet që ushtrojnë veprimtari brenda zonës, me institucionet shkencore, me organet e qeverisjes vendore ku shtrihet zona dhe argumenton nevojën e ndryshimit.”.

2. Pas pikës 2 shtohet pika 3 me këtë përmbajtje:

“3. Miratimi i ndryshimit të një apo më shumë elementeve formale të vendimit të shpalljes së zonës së mbrojtur bëhet me vendim të Këshillit të Ministrave, sipas propozimit të ministrit përgjegjës për zonat e mbrojtura, ku argumentohet nevoja e ndryshimit konkret pas marrjes së vendimit të KKT-së në rastin e ndryshimit të zonimit dhe nënzonimit.”.

Neni 16

Pas nenit 36 shtohet neni 36/1 me këtë përmbajtje:

“Neni 36/1

Ndryshimi i elementeve tekniko-formale

1. Miratimi i ndryshimit të elementeve tekniko-formale të vendimit të shpalljes së zonës së mbrojtur si emërtimi, institucioni menaxhues, zonimi dhe nënzonimi, si dhe tipologjia e veprimtarive të lejuara dhe të ndaluara për zonën e mbrojtur ose secilën nënzonë të saj bëhet me vendim të Këshillit të Ministrave, sipas propozimit të ministrit përgjegjës për zonat e mbrojtura, ku argumentohet nevoja e ndryshimit konkret që do të përmirësojë rrjetin dhe mbrojtjen e zonës, pas marrjes së vendimit të KKT-së në rastin e ndryshimit të zonimit dhe nënzonimit.

2. Në rastet e parashikimeve të pikave 2, 3 dhe 4 të nenit 33, miratimi i rregullave dhe kriterëve teknike të zhvillimit nga ana e KKT-së konsiderohet akt i ndryshimit.”.

Neni 17

Pas nenit 39 shtohet neni 39/1 me këtë përmbajtje:

“Neni 39/1

Zyra e Administrimit të Parqeve Kombëtare

1. Zyra e Administrimit të Parqeve Kombëtare (ZAPK) është institucion tekniko-administrativ në varësi të ministrisë përgjegjëse për zonat e mbrojtura, i organizuar në nivel qendror dhe rajonal, e cila ushtron veprimtari brenda territorit gjeografik të zonës së mbrojtur “Park kombëtar”, territori i veprimtarisë së të cilës përcaktohet në vendimin e Këshillit të Ministrave për krijimin e saj.

2. ZAPK-të brenda territorit të veprimtarisë së tyre ushtrojnë kompetenca administrimi, si dhe miratojnë në koordinim me AKZM-në propozimet për plane menaxhimi në përputhje me parashikimet e këtij ligji.

3. Planet e menaxhimit, projektet restauruese dhe konservuese, projektet kërkimore-shkencore të ZAPK-ve shqyrtohen, koordinohen me AKZM-në dhe miratohen nga ministri përgjegjës për zonat e mbrojtura, në përputhje me natyrën, masën dhe nevojat e zonës së mbrojtur.

4. ZAPK-të kryejnë punime mirëmbajtjeje dhe mund të kryejnë punime me karakter restaurues e konservues në funksion të masave ruajtëse dhe mbrojtëse në zonat e mbrojtura që kanë në administrim.

5. ZAPK-të, në varësi të veçorive natyrore, ambientale, të florës dhe faunës, në tokë dhe në ujëra, bashkëpunojnë dhe koordinojnë me institucionet e fushave përkatëse për ushtrimin e veprimtarive të ndryshme në territorin që administrojnë.

6. ZAPK-të mbikëqyrin efektet mjedisore të çdo ndërhyrjeje apo zhvillimi të propozuar brenda territorit të tyre gjeografik sipas këtij ligji dhe akteve nënligjore në zbatim të tij.

7. ZAPK-të mbajnë lidhje të vazhdueshme dhe informojnë strukturat e qeverisjes qendrore e vendore për zhvillime të karaktereve të ndryshme, që kryhen jashtë territorit të tyre, por që mund të kenë impakt në to.

8. Krijimi i Zyrës së Administrimit të Parkut Kombëtar, struktura dhe organika e saj miratohen me vendim të Këshillit të Ministrave, me propozimin e ministrit përgjegjës për zonat e mbrojtura.

9. AdZM-të, pjesë e territorit të të cilave janë parqet kombëtare në të cilat janë krijuar ZAPK-të, përjashtohen nga detyrat për mbrojtjen dhe zhvillimin e këtyre zonave të mbrojtura mjedisore.

10. ZAPK-të brenda territorit të veprimtarisë së tyre ushtrojnë çdo funksion administrimi, menaxhimi që ligji parashikon për AdZM-të.

11. Mënyra e funksionimit, organizimit dhe veprimtarisë së ZAPK-ve përcaktohet me vendim të Këshillit të Ministrave.

12. Struktura dhe organika e tyre miratohet me urdhër të Kryeministrit.”.

Neni 18

Në nenin 40 pas pikës 2 shtohen pikat 2/1 dhe 2/2 me këtë përmbajtje:

“2/1. Gjatë ushtrimit të funksionit të dhënies për përdorim të përkohshëm të territoreve kullota, pjesë e zonës së mbrojtur, AdZM-të apo ZAPK-të lidhin kontratë tripalëshe me bashkinë dhe subjektet e interesuara.

2/2. Bashkia, në përmbajtje të kontratës, përcakton vendndodhjen dhe sipërfaqen e dhënë në përdorim duke e vlerësuar atë në raport me kërkesat e paraqitura nga subjektet e interesuara në momentin e njoftimit për aplikim. Me lidhjen e kontratës tripalëshe, sipas këtij neni, bashkia bëhet përfituese e të ardhurave që vijnë nga përdorimi i përkohshëm i kullotës. Procedura rregullohet me udhëzim të ministrit përgjegjës për zonat e mbrojtura.”.

Neni 19

Në nenin 47 bëhen këto ndryshime:

1. Në pikën 1 pas togfjalëshit “territori i zonës së mbrojtur” shtohet togfjalëshi “për kategoritë “Park kombëtar” dhe “Rezervat natyror i menaxhuar/Park Natyror”.

2. Pika 2 ndryshohet si më poshtë:

“2. Zonimi i brendshëm përmban nënzonën qendrore, nënzonën e përdorimit të qëndrueshëm dhe nënzonën e rekreacionit dhe është pjesë e vendimit të Këshillit të Ministrave që shpall zonën e mbrojtur.”

3. Në pikën 4 shtohet fjalia me këtë përmbajtje:

“Këshilli Kombëtar i Territorit me rregullore të posaçme përcakton rregullat dhe kriteret teknike të infrastrukturës kryesore dhe asaj mbështetëse për projekte specifike të lidhura me zbatimin e veprimtarive të lejuara në të cilat zbatohen shkalla e parë, e dytë dhe e tretë e mbrojtjes.”.

4. Pika 5 shfuqizohet.

Neni 20

Neni 48 ndryshohet si më poshtë:

“Neni 48

Nënzona qendrore

1. Në nënzonën qendrore të një zone të mbrojtur mjedisore zbatohet shkalla e parë e mbrojtjes.

2. Veprimtaritë e ndaluara në nënzonën qendrore të një zone të mbrojtur mjedisore janë:

a) përdorimi i kimikateve dhe i plehrave kimike;

b) nxjerrja e mineraleve dhe e torfave me përjashtim të gurëve dhe rërës për mirëmbajtjen e parkut;

c) ndezja e zjarreve;

ç) gjuetia;

d) neutralizimi i mbetjeve me origjinë jashtë territorit të “Parkut kombëtar”;

dh) shpërndarja e kafshëve dhe e bimëve jovendase, kur ato sjellin ndryshime në biodiversitetin e zonës;

e) riprodhimi intensiv, me përjashtim të riprodhimeve shpëtuese;

ë) ndërtimi i autostradave, hekurudhave, zonave urbane, hidrocentraleve dhe sistemeve të naftës dhe gazit me shtrirje të gjatë;

- f) larja dhe spërkatja e rrugëve me kimikate;
 - g) mbjellja e pyjeve monokulturë;
 - gj) lëvizja e mjeteve të transportit jashtë rrugëve të caktuara;
3. Veprimtaritë e lejuara në nënzonën qendrore, përveç atyre të përcaktuara në nenin 33 të këtij ligji, përcaktohen në VKM-në e shpalljes së zonës së mbrojtur.”.

Neni 21

Në nenin 49 bëhen këto shtesa dhe ndryshime:

1. Në titullin e nenit togfjalëshi “tradicional dhe” hiqet.
2. Paragrafi i parë ndryshohet si më poshtë:
“Në nënzonën e përdorimit të qëndrueshëm të një zone të mbrojtur mjedisore zbatohet shkalla e dytë e mbrojtjes, nëse nuk janë në funksion/mbështetje të veprimtarive të lejuara, janë të ndaluara:”.
3. Pas shkronjës “dh” shtohet paragrafi me këtë përmbajtje:
“Veprimtaritë e lejuara në nënzonën e përdorimit të qëndrueshëm, përveç atyre të përcaktuara në nenin 33 të këtij ligji, përcaktohen në VKM-në e shpalljes së zonës së mbrojtur.”.

Neni 22

Në nenin 50 bëhen shtesat dhe ndryshimet e mëposhtme:

1. Pika 1 ndryshohet si më poshtë:
“1. Në nënzonën e përdorimit të qëndrueshëm dhe të rekreacionit të një zone të mbrojtur mjedisore zbatohet shkalla e tretë e mbrojtjes, nëse nuk janë në funksion/mbështetje të veprimtarive të lejuara, janë të ndaluara:”.
2. Pika 2 ndryshohet si më poshtë:
“2. Veprimtaritë e lejuara në nënzonën rekreative, përveç atyre të përcaktuara në nenin 33 të këtij ligji, përcaktohen në VKM-në e shpalljes së zonës së mbrojtur.”.

Neni 23

Në nenin 56, në pikën 1 pas fjalëve “e parashikuar në” shtohen fjalët “VKM-në e shpalljes së zonës së mbrojtur ose”.

Neni 24

Në nenin 57, në pikën 3 pas togfjalëshit “zonave të mbrojtura administrohen” shtohen fjalët “nga ZAPK-ja ose”.

Neni 25

Kudo në përmbajtjen e neneve 66, 67 dhe 69 fjalët “Inspektorati i Policisë Pyjore/Inspektorët e Policisë Pyjore/Inspektori” zëvendësohen me fjalët “AKZM-ja dhe trupat inspektuese të AdZM-ve rajonale”.

Neni 26

Në nenin 74, pas pikës 3 shtohen pikat 4 dhe 5 me këtë përmbajtje:

- “4. Brenda 6 muajve nga hyrja në fuqi e këtij ligji, Këshilli i Ministrave, ministria përgjegjëse për zonat e mbrojtura dhe KKT-të marrin masa të sigurojnë konformitetin e elementeve tekniko- formale të vendimeve të shpalljes së zonave të mbrojtura me parashikimet e këtij ligji.

5. Brenda 18 muajve nga hyrja në fuqi e këtij ligji, Këshilli i Ministrave, ministria përgjegjëse për zonat e mbrojtura miratojnë aktet e nevojshme për shpalljen e zonave të mbrojtura në përputhje me parashikimet e këtij ligji.”.

Neni 27

Hyrja në fuqi

Ky ligj hyn në fuqi 15 ditë pas botimit në Fletoren Zyrtare.

K R Y E T A R E

Lindita NIKOLLA

Miratuar në datën 22.2.2024